

UYO UWEM
John 6:22-65
QYQH QKPEP-ŊKPQ 94

Eke Ikpọ Owo

IKQ IBUOT: “Ekuñwana udia eke edibiarade, edi eñwana udia eke ebigide ọsuñọ nsinsi uwem” (John 6:27).

I Mmọ Eke Eyomde Jesus Ke Ntak Uyo Ye Iyak

1. Otu owo efiak eka Capernaum ndiyom Jesus, John 6:22-25
2. Jesus asua ọnọ mmọ ke abañā mmọ ndiyom Enye ke ntak uyo ye iyak, John 6:26-29
3. Abasi ọmọnọ ata Manna emi otode Heaven, John 6:30-35

II Uwem Emi Ọfọnde Akan Emi Jesus Akadade Edi

4. Enye ọñwọñọ eriset ke mkpa nduk ke nsinsi uwem ọnọ mmọ oro Ete akayakde ọnọ Enye, John 6:36-40
5. Mme Jew esuk uyo ke ntak emi Jesus ọkọdọhọde ete “Ami ndi uyo,” John 6:41-43
6. Mmọ eke Ete oduride ikpọñ-ikpọñ ekeme nditiene Jesus, John 6:44-46

III Jesus Etiñ Ọsọñọ Ete Ke Imọ Idi Uyo Uwem

7. Etọñọ ntak esọñọ eñwọñọ nsinsi uwem enọ mmọ eke enimde Enye ke akpanikọ, John 6:47, 48; 1:12
8. Enọ uwem, enyuñ enam ọsọñ ada oto ke “Uyo Uwem,” John 6:49-51
9. Mmọ enyene ndita obukidem Esie nnyuñ ñwọñ Iyip Esie, John 6:52-58; Exodus 12:8; John 1:29
10. Jesus anam “Ikọ emi ọsọñ ebe” añwāñā, John 6:59-65.

SE EKPEPDE EBAÑA

Udia Eke Edibiarade

Ke ini otu owo ekeyomde Jesus ke usen kiet ama ekebe tọñọ nte ekebọk tọsin owo ition, Jesus ama ọdiọñọ esit mmọ onyuñ ọdọhọ ete, “Mbufo iyomke Mi koro mbufo ekeikutde mme idiọñọ, edi eyom Mi koro mbufo ekediade uyo eyuhọ.” Do ke Enye akada utibe-ñkpọ edibọk tọsin owo ition emi ekpep mmọ ñkpọ ke abañā ata akpan ntak emi akanamde enọ Enye edi ke ererimbot emi, oro edi ndibọk mme ukpọñ owo. Owo obukidem ọsọñọ eyire ke edibọk ikpọhidem onyuñ efre abañā eke spirit. Ke Ukwọrọ-Ikọ ke Enyọñ Obot, Jesus ama ekpep ete ke uwem okpon akan udia ye edisine-ñkpọ. Enye ñko ama ọtọñọ ntak ekpep ete, “Owo enyene se enyenyene, uwem esie isineke enye ke ubọk” (Luke 12:15). Ererimbot ọyọhọ ye idiọk udọñ ye afai mfin, koro owo oyomde ndinyene uwak mme ñkpọ eke edude mi ke ererimbot ndien esin Uyo Uwem emi ukpọñ esie akpadade ọbọk idem.

“Ekuñwana udia eke edibiarade, edi eñwana udia eke ebigide ọsuñọ nsinsi uwem.” Kpukpru ñkpọ eke owo ọkọde obon tọñọde ke emana tutu osim udi, edi, “udia eke edibiarade.” Mmọ edi ñkpọ eke edibighide ke esisit ini, ndien ebe efep. Kpa ye ikpọhidem emi owo oyomde ndida kpukpru se enye enyenede mbọk eyesọp ndifiak ke ntan. Edi ukpọñ ikpọñ-ikpọñ edi se midikpaha, edi eyedu uwem ke nsinsi. Ke ntak emi, edi ata akpan akpan ñkpọ ọnọ nnyin ndikpeme ukpọñ nnyin ñkan nte ikpemedede ikpọhidem emi.

Uyo Uwem

“Idighe uyo ikpọñ ke owo edida idu uwem, edi edida kpukpru ikọ eke ewọrọde Abasi ke inua odu” (Matthew 4:4). Ke usen ke usen mme owo ke edia udia man enim ikpọhidem enye emi uwem. Kpa nte ikpọhidem enyenede odudu oto ke udia kpa ntre ke ukpọñ nnyin enyene odudu ke spirit oto Jesus, Uyo Uwem. David ama ọdọhọ ete, “Mbubreyo, ye usen ubọk, ye ufọt uwemeyo, ke ndiseme” (Psalm 55:17). Edieke nnyin itrede ndita Uyo Uwem, nnyin iyekop mmem idem ke spirit. Idibighike nnyin iyekut nte asua omumde nnyin ndien nnyin ñko idinyeneke odudu ndisọñọ nda ñwana ye enye. Ke ini Jesus ọkọbọñde akam ke uwemeyo ye okoneyo aba, biọñ ama ọdọñ Enye, edi akpanikọ Enye ama okop mmemidem ke obukidem, edi odudu Esie ke spirit ama ọsọñ eti-eti. Satan ama añwana ye Enye ke kpukpru idaha; edi ke mfọn ye odudu, Jesus ama ekeme ndinyene ọniọñ

ke iborọ Esie onyūn akan ke kpukpru se satan akadade etiene enye, ndien Enye ama oto ke akwa akai ikọt oworọ edi ye odudu spirit ke uwem Esie.

Nnyin imama ndikut owo emi enyenede uyai ye ediye idaha ke ikpohidem, oro edi, owo emi etiede nte enyene kpukpru se enye oyomde ke ikpohidem. Anditiene-Christ okop inem ndikut owo emi enyenede eti idaha, onyūn qbopde idaha esie ke spirit otim ofon, ndien aka iso ndibok ukpon esie kpukpru usen ke manna eke spirit. Ke akpanikọ Qbọn nko, enenem esit ndikut owo emi eyetde esit asana oto ke Iyip Eyen-erọn, emi onyūn adiade manna eke otode Heaven kpukpru usen.

Ke ini Qbọn ekekepepe mbet Esie ndibon akam ete, “Nọ nnyin udia eke ekemde nnyin ke usen mfin,” ikọ emi ama enyene ntọtunọ edikabare emi okponde akan udia eke nnyin idiade ke okpokoro nnyin ke usen ke usen. Nnyin imoyom ndibe manna oro eke qbokde nnyin onyūn otimde ukpon nnyin idem ke abana mkposon nkpo eke ediworode ebionọ ke usun nnyin.

Udia Spirit

Isaiah ama etin ikọ eke akade ntem “Nsinam mbufo edomode Silver enọ ke se midige uyo? Ye utom mbufo ke se miyuhoke? Etim ekop uyo mi, enyūn edia se ifonde, yak ukpon mbufo onyūn enem esit ke isek” (Isaiah 55:2). Ke uto usun emi ke enye owut ete ke udia spirit ofon onyūn okpon akan udia eke ikpohidem emi. Ikpohidem nnyin eyefiak ke ntan, edi ukpon nnyin eyedu uwem ke nsinsi.

Ada se inyenede uwem ndinam uwem akaiso odu. Kpa ye udia ikpohidem emi, eke nnyin idiade, eda eto mme nkpo eke enyenede uwem. Owo idaha mme nkpo eke miyeneke uwem inam udia. Kpa ntre ke nkan spirit, edi Jesus emi edide Enye emi uwem otode, ekeme ndinọ nnyin uwem. Enye ama etin ete, “Ami ndi odu-uwem uyo emi okotode ke heaven qsuhere, edieke owo ekededi adiade uyo emi, enye eyedu uwem ke nsinsi.”

Manna

Manna emi Abasi okonode ndito Israel ke Akwa akai-ikọt ama enyene kpukpru ndia emi akanade nte onọ mmọ uwem ke ikpohidem. Mmọ ekedia manna emi ke ofuri isua 40. Abasi emi akanamde ikpohidem mmọ ye kpukpru ntọtunọ itie ke idem mmọ ama otim odionọ se anade Enye esin ke nkpri manna oro, emi eketiede nte nkpri mfefere ndom-uyo man anam mme okpo ye obuk ke idem mmọ ekori enyūn ofon. Manna oro akana nte anam kpukpru ufon emi uyo ye unam ye mfi ye ikon esinamde ke idem owo. Jesus, ata Manna emi otode ke Heaven edi kpukpru se nnyin iyomde man onọ nnyin uwem ke spirit onyūn anam nnyin ikop idem ke Qbọn. Ekenọ manna emi ke ata utibe usun, kpa ntre nko ke edi ye udia nnyin ke spirit.

“Uyo Heaven Bok Mi Tutu Nyuhọ”

Nsuk-Uyo

Etie nte uduot owo osuk edi ukem-ukem ke kpukpru emana. Ndito Israel ema esuk uyo ebaña manna emi Abasi okonode mmọ ke usen ke usen. Mfefere uyo emi ama efek ukpon mmọ.

Ke ini Jesus okodohode mbet Esie ete ke edi Imọ idi uyo Uwem, ndien adian ete, “Edieke mbufo midiaha obukidem Eyen owo, minyūn inwonke iyip Esie, mbufo inyeneke uwem ke esit mbufo,” mmọ oro ema esuk uyo enyūn edohọ ete, “Ikọ emi oson ebe: anie ekeme ndikop utọ ikọ oro?” Tonọ ke ini oro, ediwak mbet Esie efiak edem, inyūn isanake aba ye Enye. Mfin emi, mme owo ke edohọ ete ke Eti Mbuk Obio Ubọn emi afaha akaha, ke ntre mmimọ ikemeke ndisaña ke esit. Mmọ nko ke esuk uyo ke abana utibe uduak edifak owo emi Abasi anamde ndien enyūn ekpa edem ewut enye. Mmọ esin ndidia uyo uwem, etre ndita Eyen-erọn emi ekewotde toto ke eritonọ ererimbot, enyūn etaba idorienyin Heaven ye nsinsi uwem. Yak Abasi anwam nnyin man nnyin ikusuk uyo man okpo nnyin ediyemere ke akai-ikọt nte eketibede onọ ndito Israel!

Ini ama odu emi David okofubede inyene mme idiok owo onyūn ekere ete ke edinam esit imọ asana edi ikpikpu, tutu enye oduk ke edisana ebiet onyūn adia uyo Heaven. Ke utọ ini oro ke ekenam ifiok esie ke spirit anwana ndien enye okut utit mmọ (Psalm 73).

Mme Idionọ

Ke ekperede ini eke akanade ekon Jesus ke kros, kpa ke ini eke Enye akadiade Passover ye mbet esie, Jesus ama emen uyo, onyūn odion, obuñ onọ mbet Esie onyūn odohọ ete, “Ebọ, eta; emi edi ikpohidem Mi.” Ndien Enye emen cup okom Abasi, onyūn onọ mmọ, ete, “Mbufo kpukpru eda enwon; koro emi edi iyip Mi, eke ediom, emi eduokde ebaña ediwak owo, man efen mme idiok-nkpo mmọ” (Matthew 26:26-28). Nnyin imekeme ndikut akpan ntak emi anade nnyin ita Ata Uyo emi otode Heaven man nnyin inyene nsinsi uwem ke esit nnyin.

Ikot

“Owo eke etienede Mi, ndibinke enye nduok.” Mme mmọ eke ekpenode mme ubuene ke ererimbot emi se mmọ ekpediade, esibebin mmọ eduok ke ediwak ini. Edi Jesus akananam ibinke ukpon eke biọn ọdọnde iduok, mmọ ekpededi mme enyene nkpo mme ubuene, ofin mme eyen ison, obubit mme afia. Ikot Eti-mbuk enyene owo ekededi eke onyimedede.

MME MBUME

1. Nso udia ke ekot eto uwem?
2. Anie edi Uyo Uwem?
3. Nso utọ udia ke Abasi okonọ nditọ Israel ke akwa akai-ikot?
4. Nte mmọ ema enyene ata Uyo emi otode Heaven?
5. Nso edi ntak emi mme owo ekesukde uyo?
6. Nso edi ntak emi ediwak owo ekefiakde edem enyuñ etrede ndisaña ye Jesus?
7. Ndita obukidem ye ndiñwọñ Iyip Eyen Abasi ọwọrọ nso?